



Publicaziuns dalla vischnaunca, jamna 29

Prescripziuns pertuccont igl encurir bulius

Las usitadas restricziuns en connex cun igl encurir bulius valan era uonn. Ei setracta en special dil suandont:

- Egl interval digl 1. entochen e cun il 10avel di da mintga meins eis ei scumandau d'encurir bulius;
 - Il quantum maximal ch'ins astga rimnar per persuna e per di da tuttas specias da bulius munta a 2 kg;
 - Vandalissem da bulius ei scumandau;
 - Il diever d'utensils da mintga specia per rimnar bulius ei scumandaus;
 - Rimnar bulius en gruppas da pli che treis persunas, cun excepziun da famiglias, ei buca lubiu.
- Nus supplichein la populaziun da respectar quellas disposiziuns ed engraziein per la capientscha.

Suprastonza communal

Fiasta digl 1. d'uost a Mustér

La fiasta digl 1. d'uost ha liug sil plaz avon la casa communal, en cass da malaura en halla Cons. La festivatad entscheiva allas 18.00 e cuoza entochen allas 24.00. Il plaid festiv vegn tenius uonn entras il directur dalla Viafier retica, dr. Renato Fasciati. Ei vegn purschiu tratgas preparadas da commembers da Gastro Mustér/Val Medel sco era specialitads dil gril. Plinavon dat ei musica da divertiment cun il Duo Desertina ed ina producziun dil Chor mischedau Sedrun, dils Sunatibas Posta biala e dall'Uniun da plumpas Muraun. Il menaschi d'ustria vegn organisaus dall'Uniun da gimnastica da dunnas Mustér e sustenius entras commembers dall'Uniun da costumes Mustér. Pils affons vegn raquintau historias ella biblioteca populara. Sco usitau dat ei in til da lampiuns pils affons (lampiuns vegnan mess a disposiziun gratuitamein) ed in fiug bengal. Per dar ina speciala tempra a nossa fiasta naziunala fuss ei bi, sch'igl entir vitg vegness embellius cun bandieras e lampiuns. Nus selegrein d'astgar beneventar Vus alla fiasta naziunala.

Vischnaunca da Mustér

1.-August-Feier in Disentis

Die 1.-August-Feier findet auf dem Platz vor dem Gemeindehaus statt, bei schlechtem Wetter in der Halle Cons. Die Feier beginnt um 18.00 Uhr und dauert bis 24.00 Uhr. Die Festwirtschaft bietet verschiedene Spezialitäten an, welche von Mitgliedern der Gastro Disentis/ Val Medel zubereitet werden, sowie Feines vom Grill. Ferner gibt es musikalische Unterhaltung mit dem Duo Desertina und eine Aufführung des gemischten Chors Sedrun, der Alphorngruppe Sunatibas Posta biala und der Uniun da plumpas Muraun. Den Kindern werden in der Bibliothek Geschichten erzählt. Die Festrede wird vom Direktor der Rhätischen Bahn, Dr. Renato Fasciati, gehalten. Wie üblich gibt es auch dieses Jahr einen Lampionumzug für Kinder (Lampionen werden gratis abgegeben) und ein Feuerwerk. Um unserem Nationalfeiertag eine spezielle Note zu verleihen, würden wir es begrüßen, wenn das ganze Dorf geschmückt bzw. beflaggt würde. Wir freuen uns, Sie an unserer Feier begrüßen zu dürfen.

Gemeinde Disentis/Mustér

Fiasta digl 1. d'uost a Mustér Serrada da vias

Mardis, igl 1. d'uost 2017 festivein nus la fiasta naziunala sil plaz avon casa communal. Per quei intent vegnan la Via Cons e la Via da Scola serradas naven dallas 15.00 entochen allas 01.00 per scadin traffic. La Via Cons ei serrada sil tschancun naven dalla cruschada Via Lucmagn entochen sin l'altezia Halla Cons, la Via da Scola sil tschancun naven dalla cruschada Via Lucmagn entochen sin l'altezia dalla Casa Hirundella. La fermada dallas vias vegn signalisada. Per la capientscha engraziein nus grondamein allas vischinas ed als vischins pertuccai.

Uffeci da baghegiar



Plan da quartier Chischliun (Disentiserhof)

Communicaziun dall'intenziun

- davart l'aboliziun dil plan da quartier Chischliun cun excepziun dallas cumparts pertuccont il regroupament da terren
- davart l'introducziun dalla procedura per in regroupament da terren
- davart l'introducziun d'ina procedura pil plan da quartier ed il regroupament da terren Disentiserhof

a) Aboliziun dil plan da quartier Chischliun cun excepziun dallas cumparts pertuccont il regroupament da terren

Tenor conclus dils 24 da fenadur 2017 intenda la suprastanza communal sebasond sin art. 21 en cumbinaziun cun art. 16 al. 1 dalla ordinaziun davart la planisaziun dil territori pil cantun Grischun (OPT) d'abolir, cun excepziun dallas cumparts pertuccont il regroupament da terren, formalmein il plan da quartier Chischliun.

- Intent:* Aboliziun formala (materialmein per gronda part gia aboliu ils 14 d'october 1996) dil plan da quartier Chischliun 1977/1980/1989 cun excepziun dallas cumparts actualas dil regroupament da terren.
- Intschess cumpigliau:* Intschess dil plan da quartier Chischliun actual cun las parcelas, 917, 918, 919, 936, 993, 994, 995, 996, 997, 998, 999, 1000, 1001, 1002, 1005, 1006, 1007, 1008, 1011, 1012, 2298, 3002 e 3033.
- Acts d'exposiziun:* Plan cugl intschess cumpigliau Conclus dalla suprastanza communal dils 14 d'october 1996.
- Cuoz dall'exposiziun:* Naven dils 28 da fenadur entochen ils 28 d'uost 2017, durant las uras da sp tegl, ella stanza d'exposiziun nr. 10 en casa communal, Via Cons 2, 7180 Disentis/Mustér.
- Protestas:* Encunter l'intenziun d'introducir la procedura per l'aboliziun formala dil plan da quartier Chischliun sco era la cunfinaziun digl intschess cumpigliau sa durant il temps dall'exposiziun publica vegnir inoltrau protesta alla suprastanza communal, caum postal 57, 7180 Disentis/Mustér. La protesta ei da motivar a scret (art. 21 en cumbinaziun cun art. 16 al. 2 OPT).

b) Introducziun d'ina procedura pil regroupament da terren

Tenor conclus dils 24 da fenadur 2017 intenda la suprastanza communal sebasond sin art. 29 al. 1 OPT d'introducir ina procedura pil regroupament da terren.

Intent: Detretschament/coordinaziun dallas damondas d'avertura el vest dalla zona speciala Disentiserhof concernent il niev intschess pil plan da quartier Disentiserhof (mira lit. c da questa publicaziun) sco era la completaziun d'averturas insufficientas, specialmein:

- Abolir prevedentamein tuttas servituds per grevezia dallas parcelas 919, 1000, 1001 e 1002 (concernent la definiziun da novas servituds cumpareglia lit. c da questa publicaziun);
- Scaffir in'atgna parcella privata per la Via dils Larischs e transferir quella en cumpropietad dallas parcelas colligiadas cun la Via dils Larischs;
- Completar/curreger/abolir tenor basegns reglamentaziuns existentas concernent l'avertura ordeifer las parcelas 919, 1000, 1001 e 1002.

- Intschess cumpigliau:* Parcelas 914, 915, 916, 917, 918, 919, 936, 993, 994, 995, 996, 997, 998, 999, 1000, 1001, 1002, 1005, 1006, 1007, 1008, 1011, 1012, 2294, 2295, 2296, 2297, 2298, 2501, 3002, 3033 e 3043.
- Acts d'exposiziun:* Plan cugl intschess cumpigliau Extracts dil cudisch funsil davart las parcelas 919, 1000, 1001 e 1002.
- Cuoz dall'exposiziun:* Naven dils 28 da fenadur entochen ils 28 d'uost 2017, durant las uras da spur tegl, ella stanza d'exposiziun nr. 10 en casa communal, Via Cons 2, 7180 Disentis/Mustér.



Protestas: Encunter l'intenziun d'introducir la procedura pil regruppament da terren e la cunfinaziun digl intschess cumpigliau sa duront il temps dall'exposiziun publica vegnir inoltrau protesta alla suprastanza communal, caum postal 57, 7180 Disentis/Mustér. La protesta ei da motivar a scret (art. 30 al. 1 OPT).

c) Procedura pil plan da quartier ed il regruppament da terren Disentiserhof

Tenor conclus dils 24 da fenadur 2017 intenda la suprastanza communal sebasond sin art. 16 al. 1 ed art. 29 al. 1 OPT d'introducir ina procedura per in plan da quartier e pil regruppament da terren.

Intent: Realisaziun digl uorden da nez tenor art. 28 LB incl. coordinaziun cul regruppament da terren tenor lit.

b, specialmein:

- Regruppament da terren tenor art. 28 al. 5 LB
- Reglamentaziun dall'avertura dil quartier
- Reglamentaziun dil transferiment da nez (aGF/aGSF)
- Reglamentaziun concernent sutpassar las distanzas da cunfin/construir ensemen baghetgs
- Reglamentaziun nova/remplazzament, aschinavon che quei ei indicau (numnadamein p. ex. deplazar ils parcadis ordeifer igl areal da hotel e da cura).

Intschess cumpigliau: Parcelas 919 (reducida per la cumpart dalla Via dils Larischs; cumpareglia lit. b), 1000, 1001 sco era 1002 (reducida per la cumpart dalla Via dils Larischs; cumpareglia lit. b da questa publicaziun)

Acts d'exposiziun: Plan cugl intschess cumpigliau

Cuoz dall'exposiziun: Naven dils 28 da fenadur entochen ils 28 d'uost 2017, duront las uras da spurtegl, ella stanza d'exposiziun nr. 10 en casa communal, Via Cons 2, 7180 Disentis/Mustér.

Protestas: Encunter l'intenziun d'introducir la procedura pil plan da quartier e pil regruppament da terren e la cunfinaziun digl intschess cumpigliau sa duront il temps dall'exposiziun publica vegnir inoltrau protesta alla suprastanza communal, caum postal 57, 7180 Disentis/Mustér. La protesta ei da motivar a scret (art. 16 al. 2 OPT ed art. 30 al. 1 OPT).

Suprastanza communal Disentis/Mustér

Procedura ordinaria d'approvaziun dals plans tenor la legislaziun davart las viafiers

Exposiziun publica dals plans

Project da la Viafier MatterhornGottard:

Dumonda d'approvaziun dals plans per la midada da construcziun da la staziun Segnas

Petenta: Viafier MatterhornGottard, Bahnhofplatz 7, 3900 Brig

Lieu: territori da la vischnanca da Mustér

Object: staziun Segnas, midada da construcziun

Procedura: La procedura sa drizza tenor ils art. 18 ss. Da la lescha federala davart las viafiers (LViafier; CS 742.101) e tenor l'ordinaziun davart la procedura d'approvaziun dals plans per implants da viafier (OPIV; CS 742.142.1). L'autorità directiva per la procedura è l'uffizi federal da traffic (UFT).



Exposiziun publica: Dals documents da dumonda poi vegnir prendì invista da venderdi, ils 28 da fanadur 2017, fin glindesdi, ils 18 da settember 2017, durant las uras da biro ordinarias tar ils suandants posts: – administraziun communal, Via Cons 2, chascha postala 57, 7180 Mustér
– uffizi d'energia e da traffic dal Grischun, Rohanstrasse 5, 7000 Cuir

Dals 15 da fanadur 2017 fin ils 15 d'avust 2017 è suspendì il termin (cf. art. 22a al. 1 lit. b da la lescha federala davart la procedura administrativa, LFPA2).

Protestas: Tgi ch'è partida tenor las prescripziuns da la lescha federala davart la procedura administrativa (LFPA; CS 172.021) u tenor la lescha federala d'expropriaziun (LExp; CS 711), po far protesta durant il temp d'exposiziun. Las protestas ston vegnir inoltradas en scrit e cun motivaziun en dus exem plars a l'uffizi federal da traffic (UFT), secziun permissiuns II, 3003 Berna. Tgi che na fa betg protesta, è exclus da l'ulteriura procedura (art. 18f al. 1 LVia fier).

Expropriaziun: Entaifer il temp d'exposiziun ston er vegnir fatgas valair tut las objecziuns dal dretg d'expropriaziun sco er dumondas d'indemnisaziun u da prestaziuns materialas (art. 18f al. 2 LViafier).

*Uffizi d'energia e da traffic dal Grischun
Partiziun per il traffic public*

Messa alpestra Alp Russein.

1.d uost 2017. messa allas 12.00

Per quei di ei la via aviart per tut il trafic.

Cordialmein envida ils pursenavels dal alp Russein e Cavrein. Disentis/Mustér

poly.kids

poly.kids – ein Angebot für sportbegeisterte Kids!

Siehe Surselva

Pumpiers Sursassiala – Incorporaziun 2018

Persunas che giavischan da prestar survetsch activ da pumpiers san s'annunziar entochen ils 10 d'uost 2017 al commando da pumpiers, Via Salez 11, 7186 Segnas (info@pumpiers.ch). Ulteriuras persunas tenor indicaziun dall'administraziun communal vegnan contactadas directamein a scret.

Pumpiers Sursassiala

Secziun da catschadurs Vallatscha

Tir liber cun attest da sittar

Venderdis, 28.7.2017, 19.00–20.00, Mireia